

雪  
門  
詩  
草

雪門詩草卷八

上元初集

善化許瑤光雪門甫著

乙丑年

擬古

寶刀躍鞘出。光與白雲飛。罔兩伏形影。乾坤開清輝。鑄  
從大昊年。軒皇手曾揮。自掃涿野霧。韞櫝掌玉妃。那知  
五千載。蛟龍仍合圍。六鰲柱已拆。上帝悔前非。特命媧  
皇補。星精填紫微。乘時滌舊染。豈復肆餘威。金神長揖  
退。善刀藏以歸。

紅雲出海角。下映海波明。金碧搖萬里。仙人騎長鯨。登  
高一翹首。紫氣橫東城。方壺與蓬島。對面湧崢嶸。三山  
咫尺耳。神曠境自清。何必食火棗。望望安期生。  
黃鶴自南來。銜書墜我側。金題碧玉檢。開緘了不識。字  
字上清文。委婉蛟龍色。焚香置案頭。心契瓊芳國。修煉  
憶前身。青雲生頃刻。仙源不易逢。寶籙不易得。卷藏懷  
抱中。休與世人測。  
鳳皇出丹穴。千載以爲期。和風送歌舞。青雲耀威儀。本  
爲聖人見。惟邀聖人知。世俗耳目蔽。野雉相猜疑。非時

炫光采。欽賞屬阿誰。何如對朝日。跋鳥結相思。  
飢鷹就錦條。名利餌英豪。賜錦近萬匹。賜粟近萬艘。暖  
身飽腹外。餘恩其誰叨。春花與秋月。俯仰常相遭。百歲  
多佳日。奈何付煎熬。琴書寓至樂。溫飽非吾曹。

家富萬黃金。超超倪雲林。一朝揮霍盡。扁舟雲水深。飄  
然若孤鶴。蒼茫無處尋。宇宙烽烟起。先機君何心。竟脫  
剽掠苦。遂茲高潔襟。翡翠被羅畢。不如襤褸禽。多財遭  
世亂。監古可證今。

富室歎

富人不居富。對客常訴貧。那知金碧色。已露屋中春。一  
自干戈擾。大戶多沉淪。遷流喪載寶。蕪廢無指囷。驕筋  
與傲骨。坐困成窮人。華屋存故里。石窖疑多珍。破繡暖  
兒女。寶玦佩在身。誅求敗官吏。淨土揚囂塵。多財信爲  
累。財散累轉隣。何人茅蓋屋。藤蘿安夕晨。高歌臥明月。  
太息葛天民。

拙宦歎

巧宦戀微祿。賣衆恒言歸。袖中黃者金。深夜權貴闥。炙  
手勢果熱。膏粱豢體肥。攀緣居要津。恣睢誰敢非。善進

亦善退。蒼鷹盤空飛。側目擊叢雀。騰身入翠微。增繳不能篡。將軍空合圍。一朝秋氣清。似訴腹中饑。脩翎仍就人。草枯揚舊威。可憐耿介雉。趨避失先機。文明蒙大難。離披錦繡衣。古來拙宦都如此。人海茫茫空涕揮。

庸醫歎

丈人壽天下。治國同醫理。高醫多奇方。庸醫利牙齒。甘滑留禍胎。撫摩恃長技。赤箭與丹砂。藥籠長年委。一朝養癰成。元黃戰血起。軒皇無如何。惆悵彩雲裏。

元日嘉興府署作

悠悠舊歲更屠蘇。餞之行融融。新歲至梅花簷下迎。旣  
改白雪凍。彌感東風情。矧茲玉燭調。元日天霽清。東海  
紫霞曙。光明靄江城。旌旂揚麗色。笙歌含暖聲。官解本  
靜肅。瞻仰來鄉氓。重門我洞開。欣欣如有榮。難得良辰  
美。際此重熙明。願千有萬年。物我同昇平。

宴春作

尋常敞高宴。酬酢多爲人。今日筵上酒。杯杯自賀春。軒  
庭無雜客。綺盤羅奇珍。笙歌發何處。飄揚與耳親。似報  
東風來。乾坤物彙新。中興上元會。萬古百年身。陶然拚

一醉和樂頤精神

與諸暨蔡書樵弟子論詩

花○舍○紫○豔○柳○舍○青○元○化○都○憑○物○象○形○丹○鳳○自○歌○無○定○律○  
玉○簫○舍○怨○其○誰○聽○聊○將○身○世○抒○懷○抱○懼○把○雕○華○鑿○性○靈○  
居○近○美○人○香○草○地○離○騷○原○不○祖○葩○經○

渾厚石詠

嘉興署西舊疊石山兵後頽散草萊中顛破頗  
多一石質渾厚無波折文上刻銘語云曰秀曰  
皴曰透曰瘦人皆取乎空靈吾獨愛乎渾厚後



題香荃二字無年月姓氏語有見道意因作詩  
詠之

蒼靈亦何渾。黃包亦何厚。細縕孕萬象。變化聽所受。浙  
俗愛石山。疊砌倩靈手。渾混鑿巖谷。不畏蛟蚪吼。透月  
來玲瓏。皺波衍紛糾。鬪巧干天災。六鼉翻背負。東南遂  
陸沈。雕華付攻掊。麒麟戰塵斯。石胡獨否。冷臥草萊  
中。堅白苦能守。却火不忍燒。春雨爲洗垢。文章露舊銘。  
渾厚真吾友。骨重驟難扶。聲洪藏待扣。名山大澤姿。亘  
地隆天壽。今日悟保全。先年嗔陋醜。那知不豚天。卽是

脫○難○紐○玉○楮○與○水○花○宇○宙○間○誰○久○輕○薄○難○留○連○萬○古○一○  
回○首○我○欲○葢○茅○亭○風○前○種○數○柳○扶○石○當○箴○砭○相○對○飲○醕○  
酒○長○歌○東○海○蒼○海○枯○石○不○朽○

福年姪自東江場寄蘭來嘉作此

秀○州○山○谷○少○春○風○無○蘭○花○感○此○動○芳○思○心○挂○湘○江○涯○路○  
遠○不○易○致○魂○夢○空○到○家○我○姪○依○會○稽○漓○渚○采○數○芽○越○江○  
裹○寄○此○芬○菲○舍○心○葩○養○以○碧○甕○淨○洗○以○清○泉○加○愛○花○出○  
本○性○那○復○鬪○豪○華○矧○此○王○者○香○乾○坤○清○氣○賒○在○山○情○既○  
決○出○山○心○敢○遐○人○生○有○嗜○好○難○爲○兒○輩○遮○穀○雨○又○將○近○

爲買日鑄茶

四十九生辰

構李城邊白鹿輪東風強半百年身蕭疏古木不受雪  
冷澹梅花自抱春海國光陰過人日故園兒女說生辰  
那知宦況清貧舊贏得如銀兩髻新

嘉興迎春作

咸豐庚申嘉興迎春方出東門角里街土牛忽  
砉然解體至四月而郡城陷人謂生民塗炭象  
兆土崩不知災祥先告天尚與人近中興泰運

復來其在此乎憶辛酉九月諸暨失陷是年元  
日昧爽大成殿正梁忽摧七月邑廟神相有勇  
患顛持刀斫傷地方將刼先機自兆惜世無至  
誠耳此詩及土牛崩事因并誌其異

鴛鴦湖上春風歸。我出相迎青旂飛。東見海雲銷凍色。  
蒼龍鞭指雲中揮。躋壇醺酒玉杯側。下拜東皇如舊識。  
那意東皇情更深。幾年相隔如相憶。自從庚戌殺氣橫。  
嘉禾久無青草生。土人爲道舊時事。土牛曾出東門崩。  
坤輿厚載象子母。不礫自礫兆地傾。今日笙歌導前路。

角里重修典禮榮園觀少嬾忘劫恨銀勝斜頭釵頭輕  
梅花柳條縱已矣蒼帝德大終生成已見祥雲書太史  
況復甘雨洗殘兵金甌既定官民喜我有諧語君休驚  
三陽泰運往必復春自能來豈我迎

海鹽閼塘作

正月初十日

時 廷旨命修海塘而海鹽平湖向係魚鱗石  
塘沿塘皆築寨駐兵疑當初非止防潮實藉以  
防海寇也良法美意久則浸湮連年塌廢雖賊  
踞使然抑從前歲修不力所致也

干○戈○既○定○講○農○桑○帝○詔○殷○勤○問○海○塘○深○慮○浙○民○咨○水○  
患○豈○徒○京○庾○計○儲○糧○風○濤○萬○古○孤○城○白○天○地○無○邊○累○石○  
黃○險○扼○蘇○杭○惟○此○郡○秋○防○何○似○及○春○防○  
魚○鱗○乍○浦○至○尖○山○聖○世○當○年○締○造○艱○冤○鳥○不○教○銜○土○  
木○狂○鯨○更○爲○鎖○神○姦○沿○邊○古○寨○殘○兵○在○刮○鹵○沙○田○廢○竈○  
閑○俯○仰○五○朝○懷○美○制○東○風○颯○颯○髣○毛○斑○

舟中玩雪

雪○白○混○雲○白○江○天○浩○無○垠○輕○水○不○碍○槳○水○中○知○有○春○枯○  
桑○挺○銀○樹○古○堠○立○玉○人○開○牕○納○江○景○清○白○涵○綸○巾○篙○師○

掃蓬背。倚醉彌精神。一鳥出叢竹。爲報凍笋新。坐待躍  
鯉上。休嫌無釣綸。

夜行船

四更殘夢醒。燭炮雙檠搖。谿河無風波。已到何處橋。缺  
月開昏晦。荒雞破寂寥。不須愁道遠。良夜春迢迢。

梅花

無賴初春雪。欺我梅花瘦。幸抱冰霜心。寒香保如舊。高  
人耐凍餓。傲骨出天授。荒苔峭石邊。疎影橫枝鬪。不比  
妖豔姿。柔靡若華胄。開時張錦幄。未許風日透。暄熱且

難○禁○何○况○嚴○凝○驟○乾○坤○勁○節○難○半○屬○山○林○秀○願○締○冷○淡○  
交○把○酒○月○如○晝○

遣興

風○帆○咫○尺○程○誰○道○洞○庭○廣○海○舶○數○日○間○誰○道○滄○溟○敞○乾○  
坤○粒○米○耳○浮○生○自○懷○懷○憶○我○初○離○家○寰○宇○平○如○掌○孤○行○  
不○仗○劍○萬○里○作○鄉○黨○關○塞○長○年○開○風○月○無○邊○朗○風○月○曾○  
幾○時○舉○步○觸○羅○網○夜○眠○夢○跼○促○七○尺○嫌○骭○髀○比○來○烽○烟○  
收○俯○仰○天○地○爽○一○身○白○鶴○閑○萬○慮○春○雲○蕩○艱○難○啟○中○興○  
美○景○應○須○賞○雨○後○林○花○開○往○事○君○休○想○



聽雨

東風送雨來。聽雨覺春回。殘雪樓臺洗。羣花海國催。焚香娛靜坐。看劍壯吟懷。料得青苔長。明朝有蝶來。

曉起看花作

已報春花香。卻被春寒勒。今朝開簾櫳。雲暖羣芳國。早香鬪嬌姿。晚香留奇色。草木詎能爾。吹拂東風德。東風亦何心。麗植自雕飾。黃鶯逐杏梢。那肯就荆棘。今古榮華場。栽培視物力。觀花悟天心。此意問誰識。欣欣物自私。老杜長相憶。

大風

海濶山原少。樓高風更雄。垂雲穿屋角。飛雪入簾櫳。寒  
慙花光蕩。春驚客夢同。漳州有殘寇。爲展提旂紅。

圍爐

附熱非吾性。寒多火自親。宵深疑有雪。室密益生春。白  
酒留賓暖。紅光照面新。陽和回萬彙。天地亦烏薪。

蚤起

海舶洋煙入。昕宵久反常。斯人甘卜夜。大地失朝陽。盥  
水漱霞艷。看花吸露香。夙興原自樂。味爽仰前王。

宦境

塵○寰○多○醉○夢○宦○境○醒○人○稀○白○日○消○奔○走○黃○金○散○指○揮○詩○  
書○思○服○古○紕○綺○未○知○非○欲○與○崇○清○儉○頽○光○挽○落○暉○

正月廿六會稽阮雨農赴試春闈過嘉贈此

二○月○已○將○逼○能○無○誤○試○期○功○名○寒○士○苦○風○雨○幾○人○知○故○  
道○長○河○改○兼○程○春○日○遲○不○妨○留○小○坐○誦○我○別○來○詩○

書慨

人○稀○草○木○茂○草○茂○禽○獸○家○十○年○東○南○劫○千○里○剡○桑○麻○荒○  
城○巢○野○雉○殘○尸○飽○饑○鴉○狂○風○村○嘯○虎○春○雨○路○橫○蛇○獵○火○

燒不到荆榛。日萌芽健兒瘦。賊尾偶入雲山澗。一朝奏  
凱唱深箐寒林。遮開闢豈易事。付與煙與霞。我聞開國  
初。地曠多獾狔。不然騶虞仁。詩人胡吁嗟。

司獄官來自秦中述多禮堂將軍事誌感

將軍壬戌由江北入陝。後屢挫回。燄提兵攻鰲  
屋。髮逆於上年三月十七克之。卽於是日受傷  
出師。雖捷而大星終隕。與程忠烈克復嘉興事  
同慘哉。

不和能致戾。回漢構長安。白起華山霧。紅翻渭水瀾。東

征來將健西顧拯民殘三載馳驅苦銀銷駿馬鞍  
天心殊不測亂定大星沈捷報恒州復魂歸鐵嶺深秦  
花三月慘灞柳萬條陰隔歲聞消息英雄淚滿襟

聽鳥

晨曦鳥先覺林外已清音料是羣花發春風二月深樓  
臺催淑氣桃李喚光陰獨有長吟客同知雨露心

春雲

春雲吹不盡鎮日作沈陰漠漠滄江致垂垂萬里心樓  
臺寒欲暝花柳韻俱深怕有蛟龍起難爲澤國吟

秀州雷雨

狂雷驅疾雨。併作五更聲。天地經綸意。風雲變化情。春  
回東海曲。人臥秀州城。未報塘工畢。胥潮緩緩生。

春雨

浙瀝連朝雨。今朝又雨天。春心無限好。只是太纏綿。

春陰

楊柳欲無影。梨花還獨明。江雲和海霧。澤國暮寒生。

書室

昨浸瓶梅香。片片白玉墜。東風吹簾幕。似有佳人至。案

靜鑪煙青。地潤屏山翠。心清浮慮消。繙書閱古事。古事興衰多。掩卷聊假寐。神完定後天。徘徊適春意。雕梁餘舊巢。新燕應來寄。

題秦穉枚小睡足寮圖

穉枚名敏樹西洞庭人

十年金鼓喧。宇宙誰安枕。桃源不可尋。寥落羲皇品。君慕北窗高。睡足清風凜。詩夢落蒼茫。湖雲塗墨瀋。邱遲拍其肩。贈以五文錦。覺來寄思多。縹緲動天稟。臨寮展霞牋。飛花上衣袵。春去不曾知。野態蕭閑甚。人生苦奔馳。頃刻黃梁飪。華山有睡鄉。輸與神仙稔。我欲及秋清。

朗抱明月寢。普天同衽席。與君共來諗。題圖更囑君。破  
睡茶休飲。

再贈秦穉枚

遭亂同無業。能詩不算貧。風花三月感。煙雨五湖春。短  
劍猶談戰。孤吟嬾向人。由拳城畔酒。爲詠柳條新。

花朝雪

尚有花朝雪。春寒亦太深。與梅延冷意。爲麥起愁心。天  
許貂裘戀。人疑鶴髮侵。東風無賴甚。攪入綠楊陰。

郊望



繞○鄣○煙○闌○少○花○朝○不○見○花○湖○青○枯○草○茁○岸○綠○短○桑○芽○雲○  
意○浮○春○暈○川○光○盞○日○華○雙○雙○新○燕○子○巢○定○向○誰○家○

翦梅

若○任○繁○枝○浪○胎○花○損○隔○年○栽○培○原○盛○意○翦○伐○寓○微○權○瘦○  
挺○冰○心○古○孤○存○鐵○幹○堅○多○難○如○少○貴○根○觸○衆○芳○前○

看牡丹書感

頻○年○花○事○誤○今○見○牡○丹○開○富○貴○何○堪○戀○春○風○喜○再○來○江○  
南○烽○火○靖○洛○苑○綵○雲○催○此○卽○昇○平○象○相○依○醉○綠○醅○  
穠○豔○同○誰○賞○天○涯○有○所○思○三○春○將○暮○日○四○載○別○家○時○宦○

境繁華易風情絕代知憑闌難解憾轉爲并頭枝  
桃李芳都謝名花故自濃神仙無早歲國色擅從容根  
祇承天厚樓臺映日重春陰如可借情共海棠鍾  
乍開延客賞驟落悵春殘金帶風前解臘支雨後寒喜  
留青葉在遙作綠雲看我亦憐香吏煎酥欲飽餐

種海棠作

刻盡金陀園中花剪盡鴛鴦湖上柳南城尚剩海棠枝  
劫火無權得天厚不識人間有荆棘紅雲獨醉春風酒  
短垣破屋住園丁亂後歸來苦相守我愛韶光卻買花

上元初集

梅墟竹所俱蓬麻。見此欣然遇名友。聘歸巧借春陰遮。  
垂垂紅珠艷欲破。數年流落仍天葩。厚土培護清泉洗。  
嬌倚雕闌舒早霞。文章竟被軍斧赦。風骨尤爲時俗嗟。  
白蝶黃蜂太無賴。爭香奪蕊故故爬。豈知異卉自珍惜。  
遭時榮悴何損加。雨露今恩足消受。風塵昔蔽休疵瑕。  
已見瓊琚佩蕤瑣。依然鐵榦撐杈桺。自古翹材蒙拔擢。  
多在竹籬茅舍家。此花磨鍊出兵火。應有雙雀來官衙。  
燒燭照花伴花睡。海天各抱明月華。

花前

白髮花前飲。春光伴老多。乾坤原浩蕩。風日況清和。蝴蝶紅邊舞。黃鸝綠外歌。中年戎馬誤。天爲補蹉跎。

尋煙雨樓舊址并栽桃李於湖堤

明知樓已毀。渡水且尋春。孤嶼白雲古。殘碑碧蘚新。湖光三月朗。塔勢遠天踰。欲復錢王蹟。躊躇土木頻。莫動荒涼感。聊同草昧看。山川自吳越。金粉任凋殘。虹斷江橋臥。風高草舍寒。但留煙雨在。曠覽亦奇觀。森森青竹筍。碎碎紫荊花。兵火頻年翦。春風此日芽。游蜂尋隔水。野鳥躍晴沙。西郭移舟去。禪心更證茶。

上元初集

而我栽桃李。居民亦種菱。瘡痍難驟復。風景已中興。石  
繫龍舟纜。風翻畫舫鐙。當年諸勝境。渺渺碧波澄。

春感

城荒無處賞春華。更近清明卻放衙。破屋移來書帶草。  
頽垣收拾海棠花。難尋湖上紅螺產。且歸梁間紫燕家。  
休道樓臺金碧盡。舊時煙雨足生涯。  
東風水驛荇初長。處處青溪處處桑。深訝軍書仍馬過。  
卻停里布爲蠶忙。南湖新漲涵天翠。東海春雲入曉黃。  
不見荷池朱太史。權歌誰與論文章。

三月望日奉檄於二月廿四日蒙 旨授嘉守作

詩紀恩

天憐我情多。命作鴛湖主。丹書三月來。湖上羣花舞。那  
知百戰留餘生。贏得辛勤動。聖情向北焚香春正永。  
謝 恩時節值清明。

開用部頒新印

寰海金甌復。山川玉節通。重頒昭信守。四角待磨礪。泥  
映南湖紫。雲瞻北闕紅。風霜不改色。士行卽青銅。  
赴杭舟中作

百戰春還在孤舟雨尚搖花開依廢壘江直見橫橋竹  
籬羣魚聚桑堤一鳥嬌荒田人漸種數畝已青苗  
藤花纏古樹花紫樹初芽近水春能寄無樓豔不遮短  
垣過白蝶破屋走青蛇野趣人誰管停撓問酒家  
天連村樹碧日動渚花黃遠客驚春慣殘黎復業忙煙  
江迷戰伐雲岫卜行藏欲問沙鷗語苕溪繚繞長  
未與西湖約杭州卻往還滌洞玉溪水迎送赤亭山風  
正篙師臥關除稅吏閑黃花鮮可擊權泊賣魚灣

江上

江上春光暮。平蕪新綠多。我乘流水去。時有落花過。雨  
霽桑陰潤。風微柳氣和。蒼茫詩夢好。喚醒惱鶯歌。

風利抵禾郡作

助我東風利。輕帆便客程。岸花紅雨送。津樹綠雲行。東  
海平連野。南湖近抱城。馬頭人未覺。只有驛丞迎。

春歸

三月春告歸。春歸究何處。我自杭州歸。卻傍鴛湖樹。鴛  
湖豈吾土。清絕天許住。綠柳千萬枝。飛花暗行路。入波  
化青萍。萬古同一寓。彈琴月波樓。不管東風暮。黃鸝尚



上元初集

依人乳燕亦尋故我情比春長纏綿了不悟請看春江  
波春去更東注一

宏文館試士作

嘉興試院謂之宏文館燬後重修數試並補七  
屬與試者百餘少者三四十人然聞湖郡之  
孝豐安吉杭郡之於潛昌化臨安嚴郡之分水  
均不過數人二人而止蓋因其達徽甯之路  
故受兵最慘非若禾中濱海水港紛歧逆踪來  
往不便且有滬上可避故所全稍多噫幸矣

得能今試士。文運喜重開。况此名州秀。曾儲內相才。南  
湖金鯉躍。東海寶珠來。坐待秋闈補。英賢爲國培。  
歡顏寒士啟。館復築宏文。土木工雖費。詩書教貴勤。上  
元迴鳳紀。西浙鬱龍雲。三次科同試。童牙孰冠軍。  
傳聞隣郡士。較此倍寥寥。書籍應全燬。桑麻想更凋。飢  
寒謀道苦。迂拙讓人驕。十載籌生聚。羣材館定翹。  
銀燭風前明。紅增筆墨光。見添多士喜。轉憶少年場。經  
藉拈題熟。文因戰夜長。濯磨同此念。選卷爲焚香。

四月四日喜妻子至禾

衙齋新種海棠枝。春盡餘花尚笑姿。去國久拚妻子訣。  
除官竟荷聖明知得全家室。經滄海轉爲團圓憶別。  
離。今夜西樓。纖月好。洗杯爲話中興時。  
長江多盜。乍裁兵來。附輪船繞海程。問訊田園。春雨足。  
提攜兒女。落花行。三年舊夢。湘湖樹。四月輕寒。澤國城。  
喜帶新茶。安化產。得嘗鄉味促童烹。

何子貞親家過禾作此

書名滿天下。老去更離奇。謂得篆籀意。古法少人師。蜀  
中衡文不自耐。棄官閑游秦與齊。華山雲峯泰山石。題

罷歸臥湘江。湄胸有筆意。日難說。輸與瀨巖赭壁。知杭  
州金陵。昔曾到。亂後重來。將古弔。文武勲僚。凱飲時。翰  
墨光照形。弓耀西湖金碧。埋青萊。更無題額。壯樓臺。待  
君潤色。如椽筆。破水殘山。顏色開。檣李停舟。更匆促。坐  
定便問官齋竹。更問有美。越酒無攜歸。開爽南湖綠。我  
送君行。醉已酬。醉中執手。還高談。道寄書屏。酬酒贈黑  
蛟騰奮。湧江潭。

慨流亾

南風吹蓬蒿。青青江路長。不見耕桑人。但見流與亾。鵜

衣綴百結。前後不成行。慘慘瘦面黑。疏疏短髻黃。此云  
棄家園。就食來殊方。彼云脫虎口。艱難還故鄉。故鄉既  
瓦礫。異方亦淒涼。江南千萬里。云住兩茫茫。飢寒迫之  
走。生死何能量。昨夜破廟雨。荒苔石作床。今朝溪水渡。  
橋斷無舟航。紆迴增困躓。焚燭少扶將。我見雙淚下。拭  
淚彼無裳。

紀雷

五更霹靂轟。電入窻櫺赤。大地似掀簸。餘聲搖枕席。猛  
雨會飄風。澎湃送殘夕。荒城破屋多。傾漏生憐惜。學官

曉來告孔廟柱被圻恭往省東楹黝然火初炙殿壁粉  
新聖上下爪痕擱或云妖狐夙躋踰出追迫或云謝仙  
火隄處實雷擘神怪兩難知俯仰慄魂魄嘉郡大成殿  
先賢像在石素王山岳表冕旒壯華赫天地所呵護魑  
魅敢藏迹得無滄海橫聖道曾小厄邇來瀛寰清維皇  
爲除辟荆棘自然開鐘磬仍在宅斯文日再中陰霾定  
洗革何況大功告皇心一誠格壇廟升柴燎山河奠  
玉帛詔講璧雍儀經尊玉軸冊麟虹發其祥甕壁彰  
其澤阿香職掃除人神理不隔從此難階天昭昭日月

白作詩紀祥異精銳走筆畫

擬鴛湖權歌

竹垞權歌皆寫昇平風土可作禾中里誌觀今  
非其時也茲吳和甫宗伯命此試士桐鄉茂才  
嚴鈞有怪底鴛鴦飛不返湖濱尚種戰場花生  
涯只合謀菱芡多少東南未種田等句見賞於  
宗伯第思剝極來復之秋別有光景乃戲擬四  
首不啻於前詩作一轉語焉

湖中隻鴛恨風波湖上孤鶯懶送歌○  
惟有鴛鴦依舊穩○

不知人世別離多。  
髡柳含煙更長芽。青蕪着雨也開花。休嫌此日春游減。  
茅屋垂帘已酒家。  
漁翁家伴荻花居。潮接淞江積雨餘。不必釣鰲矜往事。  
秋來織網打鱸魚。  
搖搖湖舫盪青春。曲曲湖橋瑣白蘋。但使天留煙雨在。  
縱無樓閣也宜人。

題吳江梨里團紳殉難徵詩冊

咸豐十年四月蘇常告陷二十八日嘉興亦陷



吳江地居賊中南鄉梨里生貢徐泰吉陳燾馮  
經馮濰及陸煥如陸正鈞陸桂林謀以孤村抗  
賊至六月初八不守死焉同死者百餘人金華  
太守徐少巖爲裝冊索詩

鶯湖水接鶯湖碧。沈沈中有流丹積。白日年來戾氣消。  
報國人猶話疇昔。疇昔官軍潰雨花。蘇常戍卒化蟲沙。  
其時檣李亦摧陷。松陵四面賊爲家。烈士何人豎旗起。  
響應吳興趙公子。徐馮陳陸各書生。未守名城守鄉里。  
寸土原知勢莫支。雄心偏挽狂瀾紫。至今社草長紅心。

血暈如看闔村死。烽火東南百郡焚。狼饞虎噬不堪聞。  
與爲瓦碎填溝壑。何若松枯亘暮雲。賴茲義憤崇朝轉。  
磐石苞桑果奏勲。地下有靈應一笑。中興日月照榆枌。  
萋萋宿草風前勁。姓氏千年青史芬。重來我作駕湖主。  
關心每聽隣封鼓。父老欲歔春色闌。一樹梨花啼杜宇。

題吳子厚司馬龍湫觀瀑圖

連日炎雲壓城紫。薰風吹熱鴛湖水。開圖瀑布雪花寒。  
從君如到龍湫裏。倒挂銀河天地分。千巖萬壑涼飈起。  
長松謾謾助濤飛。高寒一洗胸中滓。十年吳越風波多。

西湖泉石封薜蘿。名山幽僻更誰到。輸與虎豹蛇虺窠。  
雁宕之高不可級。噴泉撲天天亦濕。情知在山依舊清。  
振衣欲躡蘋巖立。官符束縛那得閑。且依東海看潮還。  
君今作官亦海畔。乍浦地接蓬萊山。天吳象罔弄形影。  
鏗鯨出沒冥濛間。白馬神馳怒飄忽。搖動石塹多凶頑。  
請君借鞭秦皇石。驅鎮龍鼉之神姦。手攀扶桑喚朝日。  
照耀翠藹丹霞顏。他時更繪觀海冊。長歌清晏留人寰。  
撤楚軍越勇書感

恪靖所部均謂之楚軍余來守  
嘉時湖州尚未復因在紹興募  
五百人名曰楚軍越勇界余以  
資城守茲以浙境肅清奉撤

憂○時○頻○望○治○撤○勇○轉○生○憐○召○募○來○於○越○相○依○已○二○年○南  
湖○裁○戍○餉○東○浙○富○閑○田○歸○去○躬○耕○好○囊○餘○賣○馬○錢○  
閩○粵○猶○餘○寇○淮○徐○尚○用○兵○縱○然○吾○浙○定○何○日○普○天○清○戰○  
久○騰○良○將○耕○多○鏐○廢○營○吳○蠶○須○努○力○歸○待○錦○衣○榮○  
此○次○東○南○莫○相○資○勇○力○多○湘○淮○饒○健○悍○吳○越○復○山○河○戰○  
血○沈○金○石○驕○風○洗○綺○羅○茲○原○遵○楚○制○堅○壘○夜○曾○摩○  
往○日○台○州○勇○連○營○擄○掠○頻○深○山○同○嘯○聚○盜○藪○費○調○馴○十  
載○芻○茭○耗○今○來○壁○壘○新○鴟○音○懷○我○好○節○制○賴○儒○臣○  
頃○報○霆○營○變○因○裁○附○賊○流○縱○橫○纔○鄂○渚○飄○瞥○已○潮○州○此

輩原無賴。屯田未易謀。熊貔與豺虎。秘運共春秋。

本朝文武判。太守寸兵無。怯將往常走。名城十九孤。可

憐宮少保。界我旅馳驅。今日已無事。回思淚滿襦。

鬪蟋蟀。鶴鷄畫眉與雞皆雄者。鳴且鬪。蟋蟀之鳴。此蟲性異。於禽獸也。

重賞博千金。將軍出羽林。暮年多壯思。雌伏擅雄心。宣

德官審秘。西湖戰壘深。疑陽坤有象。龍戰搏羣陰。

賞菊

無處登高載酒囊。自家栽菊作重陽。殷勤莫翦傍枝蕊。

留與深秋次第香。

羣花榮悴不多時。瘦影寒香獨自支。那倚黃金換仙骨。耐人幽賞爲開遲。

深紅淺白各成窠。陶令黃英獨少他。太息戰場蹂躪後。東籬奇種已無多。

涼雲散盡碧天高。冷淡花光得月豪。忽憶餐英懷古調。郡齋深夜讀離騷。

### 寒夜

海氣催寒早。江城鎖夜深。月明雙雁語。霜重萬蟲噤。冷

淡○知○天○籥○蕭○條○悟○道○心○挑○燈○膏○欲○凍○堅○坐○且○沈○吟○

落木

霜○淒○木○不○怨○蕭○瑟○聽○天○心○萬○徑○紛○紅○葉○明○年○還○綠○陰○乾○  
坤○此○榮○悴○今○古○一○升○沈○幽○閣○隨○風○入○聲○聲○打○玉○琴○

偶紀九月二十六日

輪○舟○繫○我○小○蘭○舟○紅○樹○青○山○閃○閃○秋○不○待○東○風○不○須○槳○  
秀○州○一○夜○到○杭○州○

和杭州太守薛慰農謝病後酒樓題壁原韵

一○官○殘○夢○醒○深○秋○拚○醉○杭○州○舊○酒○樓○他○日○歸○程○應○過○我○

南湖涼雪送君舟

蟲災歎

西浙田稻秋生青蟲似蠶喙黑卷葉作網食葉  
戢戢有聲已乃化爲灰色小蛾或謂係赤亭散  
子所生或曰兵後荒田過多蓬蒿蘊濕生蟲延  
及禾稼土人目爲裹織蟲又稱爲卷苞蟲玩小  
雅螽字從月從蚩肉象似蠶蚩卽卷意蓋卽螽  
類也殘黎復業重遇災荒能無生歎

天妬殘黎得更生。遭蟲食苗苗有聲。乍如青蠶喙小黑。



倏作蛛網卷其莖。旋化飛蛾復生子。東阡南陌蠕蠕行。  
前日青青葉引露。機緘捷今日餘枯桿。西風吹獵獵。社  
母太無情。雨暘失調燮。收穫在須臾。飢荒成轉睫。可憐  
去年歸。無家粗構茅屋。風雨斜手把鴉鋤。墾荆莽以身  
代犢長咨嗟。六月少雨抱甕汲。臨溪家家無水車。坐此  
秋歎望今歲。那知今歲飢。荇加呼兒携婦持竹篠。行行  
烈日將禾爬。無法捕治且梳剔。還望禿杭重萌芽。涕泣  
歸來露天臥。忽夢柴門香稻花。

寒夜步月

二更斑斑白雲駁。參差露出明月光。有似龍鱗濯金水。  
江河雙注東海長。須臾吹散碧天淨。皎潔乾坤界輕霜。  
詩人耐夜踏梅影。冷冷寒色浸衣裳。不識嫦娥當此夕。  
桂花能否駐秋香。

漁翁

沙雁沈沈涼雨歸。羣鳬刷刷刺天飛。漁翁半醉不知冷。  
厚擁寒雲坐釣磯。

與陸袖海談詩

明代詩人喜攻擊。本朝詩人喜標榜。翹首尼山木鐸高。

誰能不爭更不黨君不見雄雞相角鬪錦繡兩披離蝴蝶相徵逐金粉多浮姿何如矯矯雲間鶴一聲孤唳蒼天知比青鸞而不附托立雞羣而無猜疑丈夫制身貴如此何獨一詩宜爾爲

冬江曉眺

落木紅飄雨寒蕪綠愛霜客心驚夙夜物性辨陰陽海月凝天白江雲凍曉黃漁舟人未起溪色倍蒼涼

刈薪

霜威殺草白荆榛淒以黃厨丁斧作薪園林洗枯僵中

豈無嘉植○天桃和女桑○沈淪不自拔○蹂躪因戰場○纍纍  
枸杞實○紅耀珊瑚光○甘寒受天液○童稚爭掇嘗○語童且  
輕○掇手毋爲刺傷○至美寓至惡○物性天道彰○悵然思世  
故○獨立對斜陽○

冬暮看霞

秋霞散綺文○冬霞凝采綯○蒼煙和凍雲○錯雜光一片○世  
界黃金波○浸入江海遍○升沈倚太陽○濃淡須臾變○紅增  
霜樹嬌○碧簇蒼山眩○垂暮多光華○此景人人戀○神仙杳  
難期○黯黯不可嚙○收拾入詩囊○搖情滿江甸○

課兒

老去文章懶。公餘卻課兒。恩勤雙管識。心事一鐙知。大道何私教。傳經作厚貽。但無浮薄習。已慰百年期。江外凌雲雁。生雛亦帶飛。前程思大漠。雙翼引春暉。白髮人催老。青箱事豈非。羽毛能振刷。那恃稻粱肥。

代巡道閱嘉協兵於杉青閘誌感

養兵難。定亂亂定復。招兵澤國無精悍。東南罷戰征近。章加月餉積弊去空名。都護勤操練。同心守八城。嘉興

加以乍浦澈浦共八城

巧陣演梅花。雙龍變化賒。射纔收快馬。矛更舞長蛇。日暮人歸隊。霜嚴鳥不譁。期門交蹕送。旗旆閃明霞。城北杉青閘。乾隆御教場。花園東岸隔。馬埒野蕪香。此日餘荒壘。當年建板房。南巡誇六舉。深駐羽林郎。康熙六年創大營於杉青閘。建板房以宿衛士。壤與蘇淞錯。洋通澈乍濱。荏苒常嘯月。細柳莫嬌春。厲疾蒼鷹習。文章赤豹神。浙西屏障地。無事敢因循。

蒼鷹

蒼鷹司搏擊。身已致青雲。何事容狐輩。翻然攫鷺羣。驅

除秋肅殺報復事殷勤。猛自饑心出。鴟鸞總不分。

擬古

日○月○經○天○行○萬○古○無○閑○時○不○如○廿○八○宿○羅○布○永○不○移○嵌○  
空○耀○珠○燭○扈○從○自○西○馳○大○勞○而○小○逸○此○柄○誰○主○持○范○范○  
青○雲○杳○問○天○天○不○知○

雷○鳴○烏○雲○端○天○濶○任○來○去○訇○然○震○坤○軸○驚○動○千○山○樹○大○  
澤○躍○神○龍○鬱○抑○蘊○餘○怒○經○綸○霄○漢○間○難○守○泥○塗○故○海○岳○  
亦○何○功○玉○皇○成○此○遇○龍○兮○既○乘○時○雷○兮○歸○何○處○

待曙

寒夜月落遲。月落天未曉。銀缸結重花。青隔羅幃小。啼鴉不畏霜。歡聲驚曙早。余亦攬衣起。香爇銀鳧裊。

吟詩

吟詩神自勞。吟罷卻自賞。白雲出山中。仍與山來往。山靜雲自動。山高雲更上。彌綸碧落間。隨風多蕩漾。未審無雲天。卷藏在何壤。因悟詩前詩。有響根無響。



雪門詩草卷九

上元初集

善化許瑤光雪門甫著

丙寅年

迎春遇雪

迎春不見春。卻與雪相遇。著地白。旋融應是春。來路風  
擁東皇入郡城。梨花桺絮似清明。高歌白雪陽春曲。驚  
起蒼龍東海橫。

感諷

人言滄海風濤多。破浪乘風尚可過。人言溪流頗委曲。

磯石森森轉難觸。大樹不如小樹搖。大姑不如小姑驕。  
君不見古來時事值辛艱。重臣進諫常犯顏。長嘯籲天。  
天不懟。聲聲直達青雲間。君不見今日權貴據要津。一  
言不合藏怒嗔。暗傾巧軋肆排擊。坐教宇宙失陽春。  
長鯨志吞舟。不食鰕與螾。小廉遂大貪。取舍良苦辛。轉  
笑魴鯉拙。纖餌釣其身。我欲操強弩。陟彼任公臺。一射  
海水赤。扶桑掃崔嵬。爲報饞蛟休。助護河清海晏挽之  
回。從此尋仙載童女。輕帆一葉渡蓬萊。

葉際帆山蘇之杭過禾贈此

家住太湖東。青山煙雨濛。輕舟來就我。一夜趁春風。又向杭州去。六橋花正紅。飛飛新燕子。莫惜定巢功。

讀書

藏書不盡讀。非止無閒時。爲恐瘁心力。催促兩髭絲。名花滿園林。悅目能幾枝。錦繡充篋笥。稱身曾幾披。牙籤浩煙海。沈入何太痴。但存好古念。超拔饒神思。游藝賤多能。尼山真吾師。

弱冠饒精力。家貧求書難。昨來購千卷。浩汗徒永歎。非關涉官政。無暇勘鉛丹。人情重未得。旣得情易闌。三五

明月滿間誰永夜看所以淵博士從古出單寒神仙緣  
玉簡慙愧蠹魚餐

獸鳴不如鳥飛騰得天和絲音不如竹圓亮清風過吾  
生好書籍所好惟詩多望古樹風骨參今助瀾波坐此  
五十年精神役吟哦近來頗悟道持律每近苛仙心笑  
太白禪語取東坡正聲在天壤休受前人訛五夜推燈  
起明月澄天河

解西種桑

解西有曠土命吏墾種桑五年桑葉綠十年桑枝長胥

吏此采摘。遷移我何方。自古有代謝。乾坤如官場。一日課一日。韶華休拋荒。栽培期深厚。鴉鋤爲人忙。此豈惜地力。斤斤十穫償。念我不蠶織。舉家華衣裳。將勤聊補過。傲倖禳災殃。鳴鳩知我意。拂拂喚提筐。

見殘民造屋書感

名花是誰栽。培植經歲年。開時被童折。春色頓淒然。大厦是誰造。締構朝代縣。一旦被兵燹。金碧成灰煙。殘民拓瓦礫。拮据風雨天。肅清已三載。寥落止數椽。成難而敗易。萬古同一憐。慷慨念時事。夕陽照殘磚。

題秀水沈北山

梓

先人葦汀府君春風載道圖

其女

兄芬有句云東風何不吹  
儂去泉下花時一問安

杏壇春風何人多舞雩管領歸狂士童子班行六七人  
提攜定有子輿氏坐此春光膝下生孝經十四廣揚名  
先人清芬後人繼武城之木何青青覽君此圖春滿地  
杖履依依楊柳翠其中題詩誰絕倫掌珠字字飄紅淚  
情到淒涼不似春那知纏綿寓春意黃泉雖冷宿草香  
梨花寒食英靈至

滄江

滄江流不盡。春雨更添波。一棹東風去。沿堤芳艸多。橋橫青岸出。帆曳白雲過。自在舟行好。漁翁又送歌。江干樟葉紫。知爲去年冰。廢壘溝塍石。荒祠壁走藤。春從蒼莽入。人看海霞升。和氣消嚴肅。鳴鳩舊是鷹。

舟中讀書

得閑宜讀書。古人貺我深。矧乃舟居日。雲水澹吾心。旣洗塵俗累。惟聞風濤音。高歌答漁唱。驚起蒼龍吟。海天盪澄碧。俯仰觀古今。江湖有至樂。何必深山林。

暮春同陳子中潘雲臺李樹唐余古香王申甫諸

太守游西湖

亂後西湖在。思游轉怕游。湖亭今又上。微雨喜初收。花  
草含新翠。煙波浣舊愁。六人俱已醉。乘興卻登樓。  
更到孤山去。扁郎一路歌。梅花補種少。荒艸比前多。泉  
石難逃劫。高人可奈何。歸來雙白鶴。幸未被雲羅。  
文章山水助。書院讓崇文。門對煙波濶。經遭劫火焚。諸  
生仍白袷。數樹自青雲。精舍隣牆接。馨香鄭許薰。  
岳廟巍峩起。于墳聞亦修。人心尚忠義。俎豆又春秋。舊  
事蒼煙隔。前朝翠柏愁。健兒來下拜。門外繫驂騶。



杭州稱佛海。今日幾僧存。香市雖天竺。枯堂少世尊。巡  
遊希盛事。勅建話前恩。莫救衆生苦。如來空法門。  
水師裁未盡。葑草撥兵揅。翡翠紅旂繞。金鱗戰鼓跳。清  
波依舊展。長日不閑消。想見元戎策。嚴防士卒驕。

春興

二月看春春尚淺。桃李初花柳葉短。三月看春春已齊。  
江干綠樹無高低。黃鸝喚人乳燕舞。低雲時傍前溪雨。  
杳靄遙山隱復明。村邊路似有人行。風吹野芳不可名。  
搖蕩詩人之春情。似醉非醉身莫主。似樂非樂口難語。

碧水采采兮。白流綠霧。飄飄兮。輕舉滿目。陽和滿抱。春  
神仙何必桃源隣。不識乾坤有今古。但見閑鷗來近人。

曉起

曉起倚雕欄。綠陰和露寒。呼童掃花片。不忍見春殘。

月下看花

春花媚夕陽。倏暝掩花光。明月忽來照。油然而生露。香蝶  
棲燕亦定。曲苑清且涼。屋角一星閃。草間孤蟪蛄。藏闌干  
亞樹影。疎密各成行。銀河淡不見。白雲時飄揚。玉笛何  
處來。搖曳春夜長。我心隨聲飛。一碧天茫茫。此樂誰與

語孤懷自平章。

曲苑

海棠初謝牡丹開。曲苑春多燕子回。只道風光娛白髮。  
小娃含笑出簾來。

恪靖伯攻克嘉應州擒逆酋汪海洋餘匪殲焉東

南大定詩以誌喜

毒瘴生南海。仍從南海收。義伸天下憤。春解九重憂。  
五嶺梅花笑。三湘組甲遒。元戎冒霜雪。全局慰深謀。

送蔣香泉方伯擢粵東巡撫任

方伯初攜一旅平粵西諸匪同治壬戌以恪靖  
伯請奉命以藩司入浙時全浙淪陷惟衢州  
孤存九月由衢州之河西進兵屢戰皆捷降賊  
目李世祥遂渡河圍湯溪癸亥正月克之擒賊  
酋陳尚揚恪靖之親兵營克龍游擒賊酋李國  
羣劉廉訪克菴克蘭溪殲賊無數諸軍并進遂  
克金華郡進逼紹興賊棄城遁浙東以清移師  
圍富陽八月大敗賊于雞籠山遂克之進圍杭  
州環杭州者皆石壘一一剗破之始屯九龍頭

繼逼留下賊不敢出然嘉湖賊尚麇集杭賊倚之以相抗公由蕭山渡江撫海甯降遂收桐鄉石門海鹽逼近嘉興乃轉而會兵攻杭甲子二月克之復會蘇兵攻湖州八月克之賊由徽入江西竄粵以入閩十月恪靖督師入閩檣公舊部往公籌月餉十四萬濟之恪靖嘗致書云君之功天目不足比其高錢江不足比其深公得書喜甚遍示羣僚又嘗言自統兵以來未嘗敗一戰失一城其親隊千人一見無不能呼其名

恪靖始以才氣無雙列入特荐及克復杭州則以忠勤懋著表其功乙丑冬嘉應踞賊未平

朝廷從恪靖之請命公襄辦軍務促公赴粵未及行而嘉應克復餘逆殲除東南大定 朝廷不輟前命蓋將有以重任之浙人不知也諸紳乞中丞奏留奏入而撫粵之命下公由杭啟節繞蘇至滬乘輪船以赴粵杭紳繪圖十四以頌其功道過禾中官紳餞者數百人公依依不捨留蜜蠟壺以誌別公今年三十一歲開藩已十

年矣論酌庸之典已不爲遲論倚重之心更非  
今始呈此以誌仰企

銀○濤○手○挽○浙○西○東○玉○節○今○酌○佐○命○功○北○闕○久○儲○丹○鳳○  
詔○南○州○休○訝○黑○頭○公○千○秋○鐘○鼎○吳○山○綠○萬○里○旌○旂○海○日○  
紅○兩○地○西○湖○擅○名○勝○慈○雲○去○住○任○東○風○

憶○驅○萬○騎○入○衢○州○慘○淡○烽○煙○漫○九○秋○三○捷○果○然○收○半○壁○  
中○興○從○此○奠○金○甌○風○來○渤○海○鯨○潮○卷○日○出○東○南○蜃○霧○收○  
天○目○同○高○江○比○濶○教○人○那○不○競○攀○留○  
珠○崖○銅○柱○襍○蛟○人○天○借○威○名○鎮○海○濱○况○值○客○民○滋○械○鬪○

倍令士女盼行塵。枕椰雨綠蜺旌漾。荔子江清虎報巡。  
坐嘯越王臺上石。颶風不起鱷魚馴。  
千貂萬騎萃南湖。負弩人多水鳥呼。銀燭焚香斟別酒。  
寶刀結隊擁兵符。波澄黃浦銅船穩。路繞姑蘇繡棒驅。  
愧我清貧無贈物。轉勞密蠟賜雕壺。

題嘉興副將劉雲樵捷歸觀親圖卽以送行

平粵平吳戰十年。東南萬里掃烽煙。寶刀漸冷歸心熱。  
一路梅花引客鞭。

東風吹暖紫貂裘。湘水湘山問壯遊。正對青雲偏勇退。



雙雙白髮倚閭秋

雲麓宮前老樹多千年白鶴占煙蘿承歡不用萊衣舞  
明月庭中唱凱歌

馬飲南湖水更清與君東海其名城君歸我住難爲別  
分付長江遠送行

余古香太守至自湖州以詩投贈別後寄復

三月西湖翠湖心憶共遊看花曾幾日就我又扁舟杉  
閘桑雲綠苕溪麥浪秋蘇杭交戰地無乃惹離憂  
風雨船燈晃滄江夜贈詩古原同我好迂豈合時宜舉

酒乘歡醉論交爲亂遲五湖無恙月今好寄相思

善化唐硯農觀晉茶陵同年譚文卿太守至自京

師晤作

四月十八日

半生別京華五載別長沙望君果至問京兼問家厚

贈開行篋長談翦燭花東南已安謐我輩足生涯

少小文場逐匆匆髻竟髻天涯來舊雨海角定妖波驚

入吳雲潤楠生楚澤多數今疆吏十勲業耀山河直督

渠同年江督曾節相夫子閩督左恪靖伯陝督楊厚

巷宮保滇督勞辛階鄂撫曾威毅伯江右撫劉峴莊

陝撫劉霞裳粵東撫蔣香泉滇撫劉靖臣均楚人

外職之盛吾楚從前所無卽各省恐亦無之也

浙地湘人定官場近卻稀微垣移撫粵宮保隔兼圻海  
月原同照青雲各自飛茲添故鄉侶情那不依依  
莫問西湖景杭州到便知煙波仍舊態樓閣有新  
樵  
花應少荒涼詩更奇蘇堤楊柳綠好爲補千枝

題吳頴函獨坐圖

獨絃不成韻獨木不成林遺世以不偶涼踴誠何心  
惟  
君起行時貌貅森列仗惟君守靜日兀坐枯禪像  
大道  
本無侶明月孤光盪霜林葉脫雲不來獨坐磐石  
乾坤  
開萬徑無人飛鳥絕煩將心性問寒梅

題馬券碑後

蘇文忠馬券碑在嘉興流虹亭有穎濱詩及山谷跋經亂亭燬碑亦散失余於敗壘覓得其全尋舊本倩秀才鍾沈祿修洗其漫滅者因係以

詩

昔○賢○敦○友○誼○此○券○足○吾○師○數○載○沈○兵○燹○千○秋○見○筆○姿○杭○  
州○君○賜○渥○元○祐○故○交○知○玉○鼻○今○何○在○人○猶○磊○落○思○  
吳○越○森○金○石○于○今○剩○幾○何○蘇○黃○留○寶○墨○滄○海○未○消○磨○舊○  
蹟○南○湖○鎮○高○風○北○宋○多○友○朋○無○馬○其○愧○我○守○嘉○禾○

陪吏部侍郎吳和甫學使游曝書亭觀南北垞藤

花館醞舫諸蹟

侍郎崇禮先哲去歲試嘉訪陸清獻七世孫擢之茲捐廉為竹

垞建祠置祭產蓋以重古者廟今也

宗伯崇先輩○炎天命小艚○風吹梅會里○同上曝書亭○溪

繞蘋花白○村留帶草青○從茲西浙士○仍復重明經○

宮保修張墓○薇垣葺陸祠○此邦富文獻○大雅其扶持○

奎額龍章補○圭田鶴俸支○停機未能去○芳艸夕陽時○南

北垞之前隸書夕陽芳艸村落六字竹垞手筆也

嘉興雜詠

上元初集

懲槍船

嘉湖槍船以尖頭小船架槍其上為護

導克復後黨羽始擾閭里繼抗官長旋作賊

水國民情蕩舟中聚博多拒官藏火器倚賊煽風波痛

殺余非忍除奸法在苛懲前仍祛後蛇螫敢留窠

勸葬

禾中田多山少葬本不易非士紳知禮之

於鑾而藏之謂之桑陰待其將朽火之拾殘骨

有親誰忍棄沿襲竟成風骨映桑陰綠魂飛柞火紅田

多山固少禮廢佛偏崇一語聊相勸人生各有終

除漕蠹

浙西亂前完納地丁有大戶小戶之分

戶之名紅已仕紳戶也。稽未仕科戶也。讀訟戶也。訟戶亦謂公戶短交掃兌弊端百出。耗既不敷乃取雌弱者而重加之。於是公私交困矣。近減小戶之浮收而定大戶之加耗。漕政一。

舊日紅稽讀妨官實病民。强豪中坐飽。雌弱怨誰伸。政

自浮收減仁流萬戶。春黃旗插船首。踴躍見精神。比鄉

漕多樹奉旨  
完漕旗於船

漕河

漕河通水道。兼以起沈骸。巨纜昇橋石。涸人得寶釵。春波隨處汲。冤魄幾年埋。志士填溝壑。愴然動我懷。

修石門城

湘潭楊森吾任此籌款修復不請公帑

將城改作壘。賊計實離奇。歸業殘黎返。當年舊址移。武林重管鑰。李內藩離。建復楊君力。銀非庫帑支。

修駕湖書院

書院修于康熙五十四年知府吳永芳奉陸清獻栗主於內以式士

茲余增陸宣公暨張楊園先生位作爲三賢堂并乞恪靖伯書匾以示敬恪靖題景行維賢由閩郵至且示以閩中開正誼書院并刻正誼全書將楊園書增入

匾字來從閩。維賢最景行。軍書方奏捷。教化最關情。士豈文章恃功宜。道德程才華。儲內相。湖海慶昇平。

祈雨作



澤國亦祈雨。高田旱可知。頑雲空蔽日。妖電已多時。識  
否殘黎苦。何堪惡歲飢。呼龍來震澤。爲我洗瘡痍。  
家居年少日。晴雨懶關心。比到官符綰。方驚擔荷深。西  
雲愁夕燒。東海望朝陰。怕惹薰風至。連宵不撫琴。  
聞道甘州麥。論斤數百錢。饑軍方禦寇。大漠少炊煙。赤  
草河源涸。炎雲紫塞煎。深宮焦灼甚。綏屢望豐年。  
杭州祈雨澤。大士仗山靈。遙藉慈雲護。香焚夜月馨。南  
湖驅魃虐。東海喚龍醒。難更遲遲待。禾苞正吐青。

得雨誌喜

沈君歸自蜀。贈我藏香多。一蕪甘霖降。連村野老歌。天  
心自仁愛。朝政況清和。載筆吳中記。黃龍產野禾。  
繡壤淞江接。今春麥兩歧。果然秋又熟。信兆世重熙。踴  
躍輸王稅。歡騰賽野祠。中興兵馬洗。帝更賜豐綏。

杭州太守薛慰農客秋乞病去。今年來杭攜家還。

全椒偕隱次留別原韻

去秋謝病乞歸田。道過南湖朔雪天。人望東山更霖雨。  
君言北隱山名在全椒足林泉。難迴孤棹江波濶。拚醉長淮  
海月圓。太息賢哉疏少傅。挂冠漢室中興年。

年華正值四旬強。天擣湖山有美堂。楊柳六橋依水待。  
梅花孤嶼補春忙。餘杭酒足澆詩思。東海人方讀薦章。  
底事匆匆竟迴首。白鷗對月放秋光。  
行橐蕭然剩口碑。十年清宦有誰知。黃金散盡滄桑劫。  
白眼慵看世事棋。釀水且歸尋舊侶。冷泉從此結相思。  
瑯邪峯擅西南美。嘉木繁陰定幾枝。  
武林餞別已悲秋。更惹鴛湖士女愁。舊澤不磨兵後火。  
新詩重壓渡頭舟。江城桂樹橫高節。野渚蘋花間宦游。  
獨向釣鰲磯上立。招呼煙雨強君留。

買書

舊書長不讀。又復買新書。作伴聊醫俗。貪多莫笑予。殘  
編兵火後。清俸廿年餘。什襲教兒輩。休徒付蠹魚。

秋興

露下涼生秋欲中。天開江遠水朝東。翩翩海燕歸心動。  
折折雲鴈顧盼雄。野草更生新雨綠。高樓孤倚暮霞紅。  
豪情鬱鬱頻搔首。萬里長空挂碧虹。

志感

蒼鷹不知烏喙利。碧落孤盤少猜忌。偶爾低飛林薄間。

啞啞呼羣啄其翅被啄依然翅不傷長天萬里青茫茫  
金眸玉爪出神駿顧盼霄漢軒且昂大漠風高秋氣爽  
黃榆白草堪孤往雄心不被世消磨聊倚高樓發遐想  
送潘雲臺觀誓由嘉興改衢州釐局

平粵匪之役自道光己酉至同治乙丑始告戢  
於廣東嘉應兵久餉竭中議捐釐言者病之然  
東南流毒疾疾也抽貫濟軍藥石也藥石雖苦  
其奈疾宜祛何曾毅勇侯嘗言病農之錢不  
可用病商之錢尚可取蓋亦權本末之確論也

雲臺以閭門世族經亂毀家益以冰蘖自勵二  
年冬隨蔣香泉方伯由蕭山之龕山渡江受海  
甯降督戰入海鹽桐鄉石門境禾城旣經克復  
遂開釐局於梅里已而移入城與余其事三年  
矣茲改移釐局於其行也不能無詩攷周禮地  
官廛人掌斂布斂布解者謂斂布卽列肆之稅  
布說文云斂績乃緝也銖積而抽緝之母乃釐  
乎若謂肇於齊市租漢權會晚矣余創此議實  
爲朝計不得已而發非敢以經術文治也豈

僅爲經理釐務者分謗哉

戰○伐○東○南○十○七○年○正○供○告○匱○計○租○厘○幾○人○奏○疏○求○停○罷○  
萬○里○河○山○賴○轉○旋○爲○國○那○知○叢○怨○府○救○時○權○用○病○商○錢○  
周○官○紱○布○興○王○制○緡○算○休○言○漢○室○傳○

昔○年○冬○受○海○甯○降○君○自○龕○山○冷○渡○江○四○面○危○城○逼○烽○火○  
孤○身○一○劍○託○吳○艘○商○量○軍○實○朝○騰○馬○招○集○村○厘○夜○靜○花○  
今○日○鴛○湖○已○無○恙○西○風○話○別○悵○蘭○茫○

家○住○姑○蘇○舊○富○豪○滄○桑○小○劫○剩○青○袍○無○錢○尚○嗜○收○書○籍○  
好○客○依○然○脫○寶○刀○金○碧○消○沈○明○月○朗○綺○羅○洗○淨○綵○雲○高○

請看蟾窟千年桂鐵幹原經玉斧牢。

嚴陵江樹迂行舟。此去三衢我舊遊。澱水霜清江閣爽。  
柯山雲動石枰秋。估帆夕照來新雁。故壘蘆花起暮鷗。  
到日重陽正佳節。飽看黃菊醉金甌。

陪馬穀山中丞乍浦觀海

九月初七日

朝霞秋射海波紅。萬里潮來乍浦東。秦駐南橫黃道固。  
金山北鎖滬江雄。島夷休倚銅船利。聖化於今玉鏡  
隆。西浙原田從此熟。元戎昨出爲塘工。

由嘉善歸南湖遇風悶作



咫尺南湖不可前。西風狂是九秋天。奔雲渡海寒欺樹。  
飛雨橫江夜入船。斷葦蕭蕭都作勢。孤燈閃閃未成眠。  
余生老矣江湖慣。寄語飛廉少肆顛。

論詩

蒼松雖晚翠。不如梅花鮮。高文雖典冊。不如詩歌妍。歡  
寫鶯花舞。愁攄風月憐。摘彼六朝艷。粉飾西漢篇。珊瑚  
有根柢。照耀碧海天。夜取楚詞讀。芬菲而纏綿。

書感

城居人如盆中花。澆泉洗葉人事賒。野居人如山中樹。

吸○露○餐○風○得○天○趣○浮○世○繁○華○愛○目○前○紅○塵○深○處○一○身○牽○  
雕○梁○畫○棟○沸○歌○舞○金○珠○欲○誨○子○孫○賢○耕○田○鑿○井○還○太○古○  
請○君○試○計○千○萬○年○

賞菊

去○年○養○菊○數○枝○黃○今○年○種○菊○滿○庭○芳○奢○心○更○欲○求○奇○種○  
那○管○栽○培○後○日○忙○

名○花○此○地○被○兵○蹂○香○草○離○騷○楚○國○稠○兒○輩○寄○來○親○手○灌○  
憐○伊○色○是○故○園○秋○

澆○泉○別○蠹○曉○涼○天○僮○僕○朝○朝○破○早○眠○更○報○南○湖○倚○城○曲○

蘇州搖到賣花船。

紅花開白白花紅。消息陰陽變幻中。惟有香心終不變。忍霜禁露對西風。

刪除蔓艸覺園寬。添蒔僧鞋與馬蘭。一樣霜中能弄色。何妨齊當晚香看。

我是吟詩欲瘦身。天涯長作看花人。花遲轉怪重陽早。留與梅花伴小春。

燒燭看菊

園林蕭瑟正愁人。賴有黃花冷可親。我亦爲花解寥寂。

更燒銀燭夜添春

重陽開到小春時。鎮足秋冬兩月期。花壽本長兼夜賞。

圓成香夢慰相思。

青煙香霧漫重幃。省識東籬景象非。莫笑幽人近炎熱。

繁華從古出寒微。

### 寒夜玩月

風定白雲散。霜華助月華。無人同冷淡。獨自繞梅花。

冬夜永於秋。嫦娥見舉頭。冷應西海甚。天上故遲留。

酒醉二更殘。科頭不覺寒。月高花影直。那肯上闌干。

蟋蟀久無響。飛鵠亦不來。乾坤白寥寂。孤月碧徘徊。

送表弟柳植三歸長沙

正好南湖雪。梅花欲放前。香風不留客。野渡有離舫。海國催長至。天涯已一年。昨來慈母信。望眼倚閭穿。長沙歸未得。送子黯余愁。衡岳天邊樹。巴陵水上樓。風雲辭國久。花月聽人游。爲問湘山翠。六朝松在不。

送長女詠梅于歸鄂州

種苗終須移。養女終須嫁。近嫁別固難。遠嫁淚更下。悠悠江海長。耿耿明月夜。看月我心飛。光與晴川射。紅梅

正○着○花○香○動○雙○羅○杷○杷○中○栗○與○榛○珍○重○慎○所○藉○不○似○在○  
家○時○嬉○戲○從○兒○暇○珍○珠○綴○寶○釵○休○詡○千○金○價○溫○和○一○室○  
春○端○靜○百○年○化○但○在○議○酒○食○不○在○薰○蘭○麝○自○古○作○婦○初○  
恰○似○服○官○乍○我○閱○宦○途○深○教○兒○兒○莫○訝○

紀恩  
嘉興漕額五十八萬七千適敵杭湖去歲蒙  
減十四萬五千而嘉善尚有賠虧銀三千九  
百餘兩米三千二百餘  
石本年亦奉旨蠲免

漕糧減額 聖恩賒黎庶歡騰東海涯不道賠虧餘白  
賦重邀曠典降黃麻洗除積弊無前古軫念民依動萬  
家從此力田敦古處書年史定紀禾嘉

贈張偉堂刺史

偉堂長沙人五年前與余同與諸  
暨之亂金陵克復以水戰功得官

窘難赴選  
來游櫓亭

些蘿秋照烽火紅殘兵亂走無西東我時縣令君時客  
五年前事如飄風今日南湖水凝碧孤舟萬里君來泊  
以戰得官官未除飄飄仍似閑游客東南定矣寶刀藏  
隨身惟有書半囊時平豪杰轉艱窘長嘯東海浮雲蒼  
昨夜狂風吼天北梅花欲開開未得殘年不合在天涯  
歸去湘山待春色

嘉善金梅生廉訪屢以詩贈兼示近事賦答

魏塘西畔白鷗飛。小築衡茅伴釣磯。屢贈新詩增我愧。  
關心時務似君稀。潼關秋。日愁搖蕩。江漢浮雲有是非。  
卻喜歲星吳越照。連朝瑞雪慰民依。

西水驛夫歎

亂後西水驛。塘路斷蘇杭。驛馬久不買。捷報恃輕航。輕  
航那可恃。連天風雪狂。風狂槳不進。程期迫蒼黃。健夫  
青筋笠。銅丸繫赤囊。舍舟奔岸走。前路白茫茫。徑滑夜  
不辨。橋傾冰更剛。孤村店盡閉。飢火燒中腸。寒勁腸亦  
冷。欲僵未敢僵。趑趄更數里。骨折筋遂傷。猛風吹人倒。



愁○魂○飄○路○長○可○憐○來○瘦○妻○攜○兒○訴○悽○惶○道○夫○農○家○子○干○  
戈○舊○業○荒○充○此○暫○生○活○升○米○舉○家○糧○今○日○凍○餓○死○我○輩○  
誰○主○張○且○言○今○年○冬○天○氣○多○晴○陽○人○窮○少○遠○慮○飄○飄○薄○  
衣○裳○苦○恨○寒○驟○至○天○道○殊○不○常○旁○觀○心○其○酸○醺○錢○爲○收○  
藏○上○帝○豈○不○仁○瑞○雪○降○年○康○農○夫○方○鼓○舞○驛○夫○轉○悲○涼○  
感○此○三○太○息○德○怨○窮○彼○蒼○人○生○有○榮○枯○所○貴○執○業○良○

城市

兵火之厄附郡爲尤善後事宜羣謂宜先興市  
余意不以爲然

雪門詩草

上元初集

不耕兼不織。城市半閑民。與愛樓臺月。何如草野春。桑麻留太古。羅綺剝天真。都會無須盛。斯言世恐嗔。

學額

因兵廢學士類日稀。因捐廣額科名轉盛甯缺。毋濫雖有典章挾策濫竽終懷奢望吳和甫侍郎按試時取進劣卷押。皇恩浩蕩小印於其角達哉言乎。

科名培士氣。過濫亦余憂。倉卒身先貴。艱難道孰謀。詩書消劫火。芹藻賴戈矛。浩蕩皇恩廣。青衿好進修。

鄉賢

鄉賢得請顯者居多非其祖先亦其師傳獨行  
闔修不必得與平湖克復後入祀者已五人盛  
哉

當湖清獻里數載五鄉賢顯宦寒儒澤門人子弟縣詩  
書天與報筆墨吏需錢公道緣私誼千秋歎豆籩

育嬰

羊腓虎乳古有棄嬰事而無育嬰名卽禮經養  
孤亦指失怙者言非有父母者也漢禁人鬻子

女爲灾而設南宋始有慈幼局蓋噢咻之政矣  
攷人胸前曰嬰以兒始生抱胸前而乳之也本  
統男女言今則第拯溺女而已浮漚露槿護之  
未始非美意第滋生不息而經費有窮且爲他  
人母誰肯盡心一媼二孩無非疾斃與設是局  
以爲阱何如裁是局而嚴禁其溺縱不能絕究  
之不忍溺者即可保全逮有是局而不忍溺者  
亦推送至矣 朝廷有給貧給孤之政而獨無  
此政所見遠矣

育嬰非古政。慈幼宋之名。博濟何長策。網緼日化生。爲  
他人作母。思已溺同情。畢竟周全少。孩蟲墮此阡。

書賈

舊板遭兵散。坊間古籍稀。卽攜時藝賣。半是袖珍微。孽  
海淫詞湧。妖雲小說非。何當盡焚棄。腐草共灰飛。

采訪

疾風彰勁草。節義最艱難。骨與冰霜白。心懸日月丹。萬  
千今未艾。采訪例何寬。長夜無甄別。英靈定永歎。

寒夜園中

清○高○山○蕭○索○明○月○照○疎○枝○獨○立○寒○林○下○無○人○同○詠○詩○江○  
深○龍○已○蟄○海○濶○鶴○來○遲○遠○寺○鐘○聲○發○搖○搖○碧○落○思○

題金鐵菴掃花待友圖

花○開○蝴○蝶○游○蜂○紛○紛○來○花○謝○黃○鸝○紫○燕○相○疑○猜○春○風○本○  
是○繁○華○客○落○英○滿○地○門○誰○開○惟○有○主○人○情○比○春○更○永○綠○  
雲○紅○雨○之○中○長○徘○徊○呼○童○掃○花○莫○掃○岑○邊○苔○應○有○舊○雨○  
一○片○青○青○回○指○點○瓶○山○作○銀○甕○南○湖○波○泛○鵝○兒○醅○韶○華○  
正○好○三○春○暮○招○呼○知○心○同○一○杯○丹○青○留○春○春○不○去○展○圖○  
猶○見○香○成○堆○但○不○知○何○人○是○君○友○來○時○請○掃○衣○上○紅○塵○

埃。

玩梅書感

梅花開時羣木凋。梅花落盡已花朝。撐住冰霜兩三月。  
殘年新年讓君驕。那知傲骨轉安雅。芳心無言明月下。  
蝴蝶不來冷淡香。清高自古知音寡。平生不乞春風憐。  
早春得梅春轉妍。有似孤忠立天地。蕭瑟乾坤賴幹旋。  
比到陽和回宇宙。獨讓桃李爭芳年。長安三月游人鞭。  
看花笑入瓊樓眠。憶否嚴冬涸陰結。何人獨立江海邊。  
浮世不知知者天。庸福不到奇人前。

看梅有懷左恪靖伯

我○看○梅○花○艷○清○閑○東○海○城○平○吳○是○誰○力○今○日○又○西○征○天○  
地○孤○忠○鑒○關○河○百○戰○情○不○知○今○夜○雪○牙○纛○駐○何○陞○

庭梅

入○幕○東○風○暖○庭○梅○競○放○花○香○心○自○飄○逸○傲○骨○尚○橫○斜○伴○  
我○催○春○興○因○渠○悟○歲○華○不○遭○霜○雪○壓○應○勝○野○人○家○

鶯脰湖作

春○暮○送○客○鶯○脰○湖○青○青○平○波○臺○已○燕○茲○來○遲○客○歲○又○暮○  
凝○雲○疏○樹○寒○鴉○呼○雪○夜○荒○村○冷○煙○火○壞○堤○水○漱○蘆○葉○枯○



嚴冬原野本寥寂。况經兵燹居人無。幸有漁舟出小汊。  
寸白新網酒可沽。幾忘明日是除夕。醉歌水滸驚飛鳧。  
東南定矣尚破碎。西北兵馬仍馳驅。未知涼州瀚海裏。  
可有葡萄香滿壺。黃沙萬里信難問。賀蘭山畔天模糊。  
明歲春風北雁去。爲我探報來東吳。

難忘

難忘最是少年場。東郭荒臺訪鳳凰。不識春心識春色。  
尋花鬪草逐人忙。明吉王鳳凰公主有臺在湘城東  
髫年嬉戲漸知非。苦讀詩書味又微。閒就張翁聽今古。

孤燈破屋夜忘歸

張秦舟石逸兄弟  
湘潭人與瑤鄰居

旋得嚴師李玉峯課詩必溯漢唐宗黃饒盛更相磨礪

廿四光陰載酒從

李名瓊長沙秀才黃治堂名仁政盛  
觀唐名時俱善化孝廉饒心如名錦

長沙

孝廉

崔家兄弟渺天涯朝夕相過殷李家交借書編交借帖

各吟風月各吟花

崔和齋持齋兄弟潮州人殷  
少泉李笠瓢李并笙同里人

癸翁胖畢兩同年共走金臺夕照鞭滄海已驚生死異

詩書都有子孫賢

湘潭翁少崑  
善化畢蕤齋

武林相得數方君踏遍西湖隱處雲楷擅三唐詩學宋

兩經兵火盡銷焚。

仁和同年方予維名宗城

藏書馬市許家樓。優拔同年肯借游。最愛樓前太湖石。

瘦雲紅壓一梅幽。

仁和優貢同年許季仁名善長家富藏書

殘歲吳羌訪梓臣。那知守越殉城人。同心同難官場少。

爲建專祠報白蘋。

庚戌冬廖梓臣率德清辛酉殉難於紹興癸亥瑤辦善後爲歸其忠骸并

建祠西

郭門

西喬吏治浙東稀。死後黃巖盡白衣。急纂詩編非吉兆。

生成傲骨與時違。

湘陰吳西喬以壬子年死於黃巖任所闔邑爲之衣白有西喬詩草

桐江瀟灑少年潘。自種梅花傍冷官。爲學長生翻短算。

可憐誤世是金丹

能畫能書後以修仙而歿

青溪少合定陽同四載光陰奔走中惟有些蘿初照月

葛孫樓擅古人風

清安常山兩任無甚知惟丁巳初任諸暨次年值衢州有石達開之擾

諸暨當陸路兵馬之衝得紳士葛燮村孫心泉樓晴軒相助之力居多

南去楓溪瑣薜蘿德星聚處禮為羅越山此日勞回首

七十二湖明月多

諸暨賢紳不少而楓橋之陳繼垣王士岳駱韵樓何棻舫尤相助甚殷

荒涼景况撼人心官到緱城詩境深更得雨田都闔好

海寒雙劍鬪龍吟

甯海催科官周流於古廟詩心至此一移又得都司王雨田之助兵畏匪

戢境內頗安

奉調錢江欲出山因搜伏莽競轅攀多情父老名難記

慘淡鶉衣鶴髮顏庚申三月調仁和任甯海士民率婦孺臥於堂皇不許行以余獲海盜悉

數殺之有游勇欲入賊余同王兩田擊散之也

錢江九月困城隍無奈重尋浣水芳突起蓮蓬人見梅村詩

作難解圍端賴戢民郎閏三月履仁和十一月改任諸暨時諸暨楓橋全畝村匪徒何

文慶以錫鑄連蓬取連和之意也招結黨羽已近萬人十二月余因勸捐將訪其實被匪圍住四日後賴

山陰戶部員外郎何戢民同年親至計解乃得出圍戢民名惟俊後於十一年九月因賊以書誘降不答

自縊死

雞年蛇月失金華南恃蘇溪作扞遮嶺守善坑韓學博

上元初集

孤營曉色斷飛鴉十一年二月侍逆陷江山常山四月

余華諸軍進防諸暨不戰而潰五月晦日賊突過蘇  
溪將犯暨幸賴廣文韓煜文扎營善坑嶺堵之賊乃  
引去韓號午橋金華人  
曾從戎吉忠烈公營中

諸軍秋困浦江城親運軍儲幾不生白馬橋前鳴咽水

相扶張友渡殘更七月初四浦江被圍援兵入而縣官  
出余親運軍火至鄭義門而諸軍厄

守城中城外無營亦無巡哨之兵賊已抄過東門余  
幾被賊執去賴長沙張偉堂相左右乃得退至白馬  
橋而歸是夜張  
泗溪中乃免

已過重陽十七朝丹楓染血帶霜飄裹創扶我重圍出

俠義家居落馬橋九月二十六日余左右額頂心髮際  
右耳根右臂膊共受七傷倒於東門

有義民馬以位拾護得出  
馬居東門外之落馬橋

已死重蘇萬不便楓橋人散雨纏綿總戎許受漳州傑  
讓我監興護我前

謝家橋已近蘭亭半夜敲門地主醒炊飯殺雞燂濕磚

扶風豪士眼何青

主人忘其姓氏

舟渡曹娥宿上虞宰官公子武陵胡丹心碧血人千古

未奠臨風酒一壺

上虞宰武陵胡堯戴號印庭胡次雲觀察之嗣也後殉城死

小寄妻孥甬口烟虎牙倖脫籠無錢雪巖高義驅今古

爲買千金渡海船

杭州胡雪巖

重○到○蓬○萊○嗽○五○雲○浙○西○初○定○講○斯○文○金○泥○信○是○藏○書○地○  
無○數○同○心○蘭○臭○薰○二年紹興克復瑤來辦理  
湘○雲○飄○瞥○海○東○頭○隱○見○浮○沈○數○十○秋○今○日○吟○詩○懷○舊○事○  
波○濤○猛○不○打○沙○鷗○